

Inhalt

De Egoist	7
Regentied	8
De Dickkopp	12
Esel un Kuckuck	14
Kinnerangst	18
Mundwark	20
Dat Öllerwarn	23
Mit duune Kopp unnerwegs	26
Een weltliche Paster	32
Winter in 'ne Koog	41
Ick mag de Oldag	43
Dat Brot	45
Unordnung mit System	49
De Leev	52

De Egoist

Wat scheert mi Annern jerre Not,
de Hauptsok is, mi geht dat good!
Wat scheert mi, wat de Annern fehlt,
mi geht dat good u nick heff Geld!

Refrain: De Hauptsok is doch, ich heff watt,
de Hauptsok is doch, ick war satt!

Mi hett dat Leben uck nix schenkt,
uck, wenn dat manch een sick so denkt.
Mien Arbeit bröchte mi Gewinn,
good, da tick to wat koben bin.

Refr.: De Hauptsok

De Annere litt Not un Pien?
Na jo, dat schall vielleicht so sien.
En jeder krigt, wat he verdeent –
wenn't Schicksol bloß mit mi good meent!

Refr.: De Hauptsok

Du seggst, so denken is nich recht?
Du meenst sogor, sowat is schlecht?
Wat heet hier schlecht – toerst kumm ick!
Ick un mien Geld – Geld is mien Glück!

Refr.: De Hauptsok

Regentied ¹

- 1) De Regen ruust,
de Wind, de bruust,
uns' Dörp, dat liggt in Düstern,
de Straat is natt
un gnitterschwatt,
un so weert uck all güstern.
- 2) Du föhlst di flau,
de Welt is grau,
de Himmel wiest keen Sterne,
du bist so matt
un regensatt,
sehnt di no Licht un Wärme.
- 3) Keen Sunnenstrohl
kummt no uns dohl, -
versök, dat to vergeeten,
schluut to de Dör,
lot buuten vör
de Regen, lot em geeten!

1) vertont auf der CD „Watt'n Ackewars“, von der Gruppe „De Inspringer“

- 4) Dien Hus is dicht –
mook uut dat Licht,
un hör mol op to ackern,
bi hitte Tee
vergeet dien Weh,
loot bloß dat Talglicht flackern.
- 5) Alleen bist du? –
Geneet de Ruh
To denken un to beeden ...
hör mol Musik
un du föhlst gliek:
dien Hart bruukt disse Freeden!

